



REPUBLIKA E SHQIPËRISË  
UNIVERSITETI "ISMAIL QEMALI" VLORË  
SENATI AKADEMIK

Nr. 2068/5 Prot.

Vlorë më, 25.09.2024

**VENDIM**

Nr. 39, datë 23.09.2024

**PËR**

**DISA SAKTËSIMË NË RREGULLOREN " PËR ORGANIZIMIN E ZGJEDHJEVE  
DHE ORGANEVE DREJTUESE" TË UNIVERSITETIT "ISMAIL QEMALI",  
VLORË**

Në mbështetje të nenit 38, nenit 131 të Ligjit nr. 80/ 2015 "*Për arsimin e lartë dhe kërkimin shkencor në institucionet e arsimit të lartë në Republikën e Shqipërisë*", nenit 19, pika 1, gërma dh, të Statutit të Universitetit "Ismail Qemali", Vlorë, Urdhrit të MAS Nr.101, datë 13.03.2024, "Për procesin zgjedhor dhe autoritetet dhe organet drejtuese në institucionet publike të arsimit të lartë", Vendimit Nr.25, datë 17.05.2024, të SA, si dhe referuar shkresës 1180/4, datë 12.07.2024, , Senati Akademik në mbledhjen e datës 23.09.2024,

**VENDOSI:**

1. Të miratojë disa saktësime në Rregulloren "Për organizimin e zgjedhjeve dhe organeve drejtuese në universitetin "Ismail Qemali", Vlorë, si më poshtë:

Ndryshimi i **Nenit 20**, pika 2, **Kriteret për rektor të UV-së**

**Ishte:**

Kandidatët për rektor të UV-së duhet të mbajnë titullin "Profesor" dhe mund të vijnë nga radhët e personelit akademik me kohë të plotë të UV-së ose jashtë tij. Kandidatët për rektor vetëkandidohen dhe duhet të kenë përvojë në mësimdhënie ose kërkim shkencor jo më pak se 10 (dhjetë) vjet;


**Bëhet:**

Kandidatët për rektor të UV-së duhet të mbajnë titullin "Profesor" dhe mund të vijnë nga radhët e personelit akademik me kohë të plotë të UV-së ose jashtë tij.

Ndryshimin e **Nenit 21**, pika 2, **Kriteret për drejtues të njësisë kryesore**

**Ishte:**

Kandidatët për drejtues të njësisë kryesore në UV i përkasin kategorisë "Profesor" dhe mund të vijnë nga radhët e personelit akademik me kohë të plotë të UV-së ose jashtë tij. Kandidatët për drejtues të njësisë kryesore vetëkandidohen dhe duhet të kenë përvojë në mësimdhënie ose kërkim shkencor jo më pak se 10 (dhjetë) vjet;



REPUBLIKA E SHQIPËRISË

**UNIVERSITETI "ISMAIL QEMALI" VLORË  
SENATI AKADEMIK**

**Bëhet:**

Kandidatët për drejtues të njësisë kryesore në UV i përkasin kategorisë "Profesor" dhe mund të vijnë nga radhët e personelit akademik me kohë të plotë të UV-së ose jashtë tij.

**Ndryshimin e nenit 22, pika 2, Kriteret për drejtues të njësisë bazë**

**Ishte:**

Kandidatët për drejtues të njësisë bazë në UV janë personel akademik me kohë të plotë të njësisë bazë që i përkasin kategorisë "Profesor" ose kanë gradën shkencore "Doktor" ("PHD"), të fituar pranë universiteteve të vendeve anëtare të OECD-së. Në rastet kur nuk ka kandidatë të kësaj kategorie, mund të kandidojë për drejtues edhe lektori, kur ky i fundit mban gradën shkencore "Doktor". Kandidatët për drejtues të njësisë bazë vetëkandidohen dhe duhet të kenë përvojë në mësimdhënie për një periudhë jo më pak se 5 (pesë) vjet dhe të jenë pjesë e personelit akademik.

**Bëhet:**

Kandidatët për drejtues të njësisë bazë në UV janë personel akademik me kohë të plotë të njësisë bazë që i përkasin kategorisë "Profesor" ose kanë gradën shkencore "Doktor" ("PHD"), të fituar pranë universiteteve të vendeve anëtare të OECD-së. Në rastet kur nuk ka kandidatë të kësaj kategorie, mund të kandidojë për drejtues edhe lektori, kur ky i fundit mban gradën shkencore "Doktor".

**Nryshimin e nenit 34, pika 5 Procedurat e votimit**

**Ishte:**

Në Qendrën e Votimit vendosen 3 (tre) kuti votimi të veçanta për secilin autoritet drejtues (rektor / drejtues i njësisë kryesore / drejtues i njësisë bazë) për të cilët kryhet votimi në njësinë kryesore të UV-së dhe 2 (dy) kuti për Senatin Akademik nga të cilat 1 (një) për anëtarët e Senatit nga personeli akademik dhe 1 (një) për anëtarët e Senatit përfaqësues të studentëve.

**Bëhet:**

Në Qendrën e Votimit vendosen kuti votimi të veçanta për secilin autoritet drejtues (rektor / drejtues i njësisë kryesore / drejtues i njësisë bazë/ komisione të përhershme) për të cilët kryhet votimi në njësinë kryesore të UV-së dhe 2 (dy) kuti për Senatin Akademik nga të cilat 1 (një) për anëtarët e Senatit nga personeli akademik dhe 1 (një) për anëtarët e Senatit përfaqësues të studentëve.





REPUBLIKA E SHQIPËRISË  
**UNIVERSITETI "ISMAIL QEMALI" VLORE**  
**SENATI AKADEMIK**

**Ndryshimin e Nenit 37**

**Ishte:**

**Vlerësimi, numërimi i votave dhe nxjerrja e rezultatit për zgjedhjen e rektorit, për anëtar në Senatin Akademik, autoritetit drejtues në njësitë kryesore, autoritetit drejtues në njësitë bazë**

Procedurat për vlerësimin, numërimin dhe nxjerrjen e rezultatit për zgjedhjen e rektorit, autoritetit drejtues në njësitë kryesore, autoritetit drejtues në njësitë bazë, për anëtar në Senatin Akademik kryhen prej KZF-së, në vendin e numërimit të votave, që ndodhet në mjediset e njësisë kryesore.

**Bëhet:**

**Vlerësimi, numërimi i votave dhe nxjerrja e rezultatit për zgjedhjen e rektorit, për anëtar në Senatin Akademik, autoritetit drejtues në njësitë kryesore, autoritetit drejtues në njësitë bazë, komisione të përhershme**

Procedurat për vlerësimin, numërimin dhe nxjerrjen e rezultatit për zgjedhjen e rektorit, autoritetit drejtues në njësitë kryesore, autoritetit drejtues në njësitë bazë, komisione të përhershme, për anëtar në Senatin Akademik kryhen prej KZF-së, në vendin e numërimit të votave, që ndodhet në mjediset e njësisë kryesore.

2.Rregullorja e saktësuar i përcillet MAS dhe publikohet në faqen WEB të Uv-së.

Ky vendim hyn në fuqi menjëherë.

**NËNKRYETARI I SENATIT AKADEMIK**

**Prof. Asoc. Denada Sota**

